

ВЫНСЬӨДӨМА

Коми Республикаса Веськӧдлан котырлӧн
2020 во лӧддза-номъя тӧлысь 15 лунся 304 №-а шуӧмӧн
(23 №-а содтӧд)

“Шаньганюр” республика тӧдчанлуна
канму вӧр-ва заказник йылысь

ПОЛОЖЕНИЕ

1. Панас

“Шаньганюр” республика тӧдчанлуна канму вӧр-ва заказник (водзӧ – заказник) артмӧдӧма “Коми АССР-ын заказникъяс да вӧр-ва памятникъяс индӧм йылысь” Коми АССР-са Министръяс Сӧветлӧн 1978 во вӧльгым тӧлысь 30 лунся 484 №-а шуӧмӧн.

Заказник лӧӧ республика тӧдчанлуна торйӧн ёна видзан вӧр-ва мутасӧн (водзӧ – ООПТ) да сылӧн эм гидрологическӧй (нюрвывса) нырвизь.

ООПТ-лӧн тыр ним: “Шаньганюр” республика тӧдчанлуна канму вӧр-ва заказник.

ООПТ-лӧн дженьыд ним: “Шаньганюр” заказник.

Заказниксӧ артмӧдӧма вына кадколаст урчиттӧг да заказниклӧн мудорьясын меститчысь му участокьясӧ вӧдитчысьяслысь, кутысьяслысь да кийн кутысьяслысь босьттӧг.

Заказник котыртан да сійӧс уджӧдан юкӧнын канмусянь веськӧдлӧмыс, заказник видзан да сыӧн вӧдитчан юкӧнын канму дӧзьӧрыс збыльмӧдсӧ Коми Республикаса Веськӧдлан котырӧн уполномочитӧм Коми Республикаса олӧмӧ пӧртысь власьт органӧн да (либӧ) сылӧн ведомствоувса канму учреждениеӧн, кодлы сетӧма лӧсялана уджмогъясӧ (водзӧ – заказникӧн веськӧдлысь орган).

2. Заказник артмӧдан медшӧр могъяс да сылӧн могъяс

2.1. Заказниксö артмөдöма мезоолиготрофнöй сикаса нюр система видзöм могысь.

2.2. Заказниклөн шöр могъяс:

видзны экологическöй öтвесьталунсö;

видзны ландшафтнöй да биологическöй унапöлöслунсö;

видзны ва да муывывса экосистемаяслысь гидрологическöй режимсö;

туявны вöр-ва комплексъясын ывлавывса процессъяссö да видзöдны экосистемаяслөн серпас вежсьöм бöрся.

3. Заказниклөн меститчанін да площадь

3.1. Заказник меститчö “Кöрткерöс” муниципальнöй районса муниципальнöй юкөнлөн мутасын Маджа сиктсянь 12 км асыв-войвывлань, Кöрткерöсса лесничестволөн Маджаса участковöй лесничестволөн 64-68, 80 кварталъяслөн мудоръясын.

Заказник меститчанінлысь карта-схемасö вайöдöма тайö Положение дорö 1 содтöдын*.

3.2. Заказник мутаслөн площадьыс лöб 1005 га.

* Оз йöзöдсы.

4. Заказниклөн мудоръяс

4.1. Заказниклөн мудорыс мунö Кöрткерöсса лесничестволөн Маджаса участковöй лесничестволөн 165 кварталса 6 выделлөн ритыв-войвыв помсянь, 65 кварталса 6 выделлөн войвыв мудорті, 66 кварталса 12 выделлөн войвыв мудорті, 67 кварталса 15 выделлөн войвыв мудорті, 68 кварталса ритывыв мудорті, 67 кварталса 12 выделлөн лунвыв, ритывыв да войвыв мудоръясті, 68 кварталса 13 выделлөн ритывыв, войвыв, асывыв да лунвыв мудоръясті, 67 кварталса 15 выделлөн лунвыв мудорті,

66 кварталса 12 выделлөн асыввыв мудорті, 80 кварталса 6 выделлөн лунвыв да рытиввыв мудорьясті, 66 кварталса 12 выделлөн лунвыв мудорті, 65 кварталса 6 выделлөн лунвыв да рытиввыв мудорьясті, 64 кварталса 8 выделлөн лунвыв, рытиввыв да войвыв мудорьясті, 65 кварталлөн рытиввыв мудорті петан чутөдз.

4.2. Заказниклысь мудорьяссө петкөдлөма карта-схема вылын тайö Положение дорö 2 содтöдын*.

* Оз йöзöдсьы.

5. Заказниклөн мудорьясын меститчысь видзан вөр-ва комплексьяс да налөн компонентьяс

Заказник мутасын видзöны мезоолиготрофнöй сикаса нюр система. Микрорельефлөн джуджыджыкиньясыс куста-нитшкаöсь либö куста-мырпома-нитшкаöсь. Сэни позьö аддзыны обыкновеннöй пöжöмлысь (*Pinus sylvestris*) пуяс.

Системалөн асыввылын меститчö пöжöма-куста-нитшка вылыс массив. Тайö нюр участкис вöрсöдöма улыс бонитетса обыкновеннöй пöжöмөн. Микроджуджыджыкиньясын туруна-куста ярусун медуна быдмö некымын сикас куст (керч (*Ledum palustre*), нюрвывса момга турун (*Chamaedaphne calyculata*), гермафродитнöй понпир (*Empetrum hermaphroditum*), обыкновеннöй чöдлач (*Vaccinium uliginosum*)) да мырпом (*Rubus chamaemorus*). Векджык позьö аддзыны влагалищнöй гöнаюр (*Eriophorum vaginatum*), этша дзоридза эжөр (*Carex pauciflora*), кузьмöс корья подбел (*Andromeda polifolia*) да кык сикас турипув – гöгрöс турипув (*Oxycoccus palustris*) да кузьмöс турипув (*O. microcarpus*). Му веркöсыс нюр нитшка, веж да печёночнöй нитш сора. Вутшкостса ляпкыджыкиньясын ыджыдалö влагалищнöй гöнаюр. Неыджыд йөнöдьясын паськалöмаöсь нюрвывса шейхцериялөн (*Scheuchzeria palustris*) да балтийскöй нюр нитшлөн (*Sphagnum balticum*) ыджыдалысь группировкаяс.

Рытыввыв юкёнын нюрыс васөдджык, тані унджык площадьсө босьтө мусюра-йөнөда комплекс. Шөрас тыдалө мусюра-йөнөда-тыа комплекс артмөм. Вöрыс артмө обыкновенной пожомысь, гежд, петкөдлөма торйөн сулалысь пуюсөн либө налөн этша лыда чукөрьясөн. Йөнөдьясын быдмөны шейхцериая-нитшка, шейхцериая-эжөра-нитшка, эжөра-нитшка да шочджыка гөнаюра-нитшка фитоценозьяс. Быдмө английскöй лысватурун (*Drosera anglica*), гөгрөс корья лысва турун (*D. rotundifolia*), гөрдөв гөнаюр (*Eriophorum russeolum*) да гөгрөс турипув. Му веркөсыс өтпомся, сэнi ыджыдалө балтийскöй нюр нитш. Медся гырысь да васөд йөнөдьясын меститчöны гидрофильнойджык нитшьяс. Фитоценозьясын, пырджык нюр дорын, өткөн пасйöма өткымын куст (шуам, кузьмөс корья подбел) да нитш (магелланскöй нюр нитш (*Sphagnum magellanicum*), Руссовлөн нитш (*S. russowii*) да мукөд).

Нюр дорын ыджыдалө нюрса (нюрыввса момга турун, керч, кузьмөс корья подбел, обыкновенной чөдлач) да вöрса (чөд (*Vaccinium myrtillus*), пув (*Vaccinium vitisidaea*)) кустьяслөн чукөр. Вутшкостса ляпкыдджыкиньясын уна влагалищной гөнаюр. Массивьяслөн мудорын пасйöма мезотрофной пуа-эжөра-нитшка да эжөра-нитшка өткотырьяс. Ыджыдалöны татшөм сикасьяс: бутыльчатöй эжөр (*Carex rostrata*), ойдлан эжөр (*C. Paupercula*), кадвуж (*Menyanthes trifoliata*), зыбун турун (*Comarum palustre*) да зыбуч куз (*Equisetum fluviatile*), а нитшка веркөсын – вежласяна нюр нитш (*Sphagnum fallax*), вадорса нюр нитш (*S. riparium*), бесколечковöй варнсторфия (*Warnstorfia exannulata*) да мукөд.

Заказник экосистемаяслөн сикасьяс лыдын сосудистöй быдмөгьяслөн, нитшьяслөн да ройяслөн 60 гөгөр таксон.

Заказник торйөн ёна видзан режим

6.1. Заказниклөн мутасын оз позь вöчны овмөс нуөдан да мукөд удж, мый вöсна вермас торксьыны экосистемаяслөн дзоньлуныс, сы лыдын:

- 1) капитальнöя стрöитан объектьяс стрöитөм;

2) линейной объектуяс стрöитöм, тайö Положениелөн 6.2 пунктын индöм случайяс кындзи;

3) абу капитальной стрöйбаяс да сооружениеяс стрöитöм, заказниклысь уджалöмсö могмöдöм могысь найöс стрöитöм кындзи;

4) пуяс да кустьяс кералöм да механической жугöдöм (виччысьтöм да аварийной ситуацияяс кындзи);

5) абу пуа вөр ресурсьяс, вöрса сёян-юан да бурдöдан быдмөгьяс заптöм да чукöртöм, индöм ресурсьяссö да быдмөгьяссö гражданаөн асланыс могьяс вылö заптöм да чукöртöм кындзи;

6) прöмыслöвöя кыйсьöм;

7) муяс бурмöдöм;

8) химия препаратьяс да мувердас видзöм да наён вöдитчöм;

9) туйясысь, кутшöмьяс эмöсь, да торйөн индöм местаясысь бокин механизируйтöм транспортлөн ветлöм да сулалöм (заказник видзöм серти мероприятиеяс, а сідзжö заказниклөн мудорьясын меститчысь вөр-ва комплексьяс да налысь компонентьяс видзöм да бөр лöсьöдöм серти мероприятиеяс нуöдöмкöд йитчöм случайяс кындзи), механической транспорт средствояс кындзи, кодьяс ветлöдлöны да сулалöны тöвнас, кор усьöма лым сэк, кор оз лэдзны му эжöд, быдмөгьяс да вөр пуктасьяс жугöдöмсö;

10) туаян (корсьысян, геофизической, геологоразведочной) уджьяс, муывьса механизируйтöм средствоясөн вöдитчöмкöд да му эжöд да быдмөгьяс тшыкöдöмкöд абу йитчöм уджьяс кындзи;

11) мупытшса озырлун, сы лыдын трунда, корсьöм да перйöм;

12) заказниклысь мутас ёгöсьтöм да няйтчöдöм, а сідзжö производство да потребление шыбласьяс меститöм (видзöм да гуалöм), ортсö лэдзан ва нуöдöм;

13) геологической, ботанической, зоологической да мукöд коллекция чукöртöм, наука-туялан могьяс вылö найöс чукöртöм кындзи заказникөн веськöдлысь органкöд сöгласуйтöмөн;

14) му эжöд да быдмөгьяс тшыкöдöм, вöчны позяна удж сикасыяс

збыльмөдөм кындзи;

15) позьяс жугөдөм;

16) аншлагьяс, шлагбаумьяс, стендьяс, мудор петкөдлысь сюрьяяс, мукөд юөртан пас да индалысь, экологическөй ордымьясса да шойччан местаясса оборудование бырөдөм да торкөм, пуяс вылын гижалөм да пасьяс вөчөм.

6.2. Заказниклөн мутасын позьё:

1) нуөдны наука-туялан уджьяс заказникөн веськөдлысь органкөд сөгласуйтөмөн;

2) кыйсыны любительскөя да спортивнөя оланпастэчасөн урчитөм пөрадокын;

3) котыртны да нуөдны вөр овмөс, нуөдны вөрьясын пөжарысь да санитарнөй боксянь видзчысьөмсө могмөдан мероприятиеяс вөр йитөдьяс ладмөдан юкөнын оланпастэчасөн урчитөм пөрадокын тайө Положениелөн 6.1 пунктса корөмьяс төд вылө босьтөмөн;

4) стрөитны, выльмөдны, уджөдны линейнөй объектьяс сэк, кор найөс меститны мөд позьянлуныс абу, а сідзжө заказник уджөдөмсө могмөдөм могысь, заказникөн веськөдлан органкөд сөгласуйтөмөн;

5) капитальнөя дзоньтавны линейнөй объектьяссө заказникөн веськөдлысь органкөд сөгласуйтөмөн;

6) нуөдны овмөс да мукөд уджлысь мөд сикасыяс, мыйысь абу өлөдөма вөр-ваөн вөдитчан да гөгөртас видзан юкөнын оланпастэчасөн да тайө Положениеөн, оланпастэчасөн урчитөм пөрадокын.

7. Бөртас

7.1. Заказниксө, сы лыдын сылөн мутасын меститчысь вөр-ва комплексьяссө да налысь компонентьяссө, видзөны вөр-ваөн вөдитчан да гөгөртас видзан юкөнын оланпастэчас серти.

7.2. Заказниклөн вөр-ва комплексьяслы да налөн компонентьяслы лектор вөчан грөз артмөм дырйи сылөн мутасын вөчны позьяна удж

сикасьяссö дзескöдöны, недыр кад кезлö дугöдöны либö дугöдöны оланпастэчасöн урчитöм пöрадокын.

7.3. Заказниклысь мутассö места вылын индöны öлöдан да юöртан пасьяс сувтöдöмöн, а сідзжö торйöдöны тематическöй картография материальяс вылын.

7.4. Заказниклöн вөр-ва комплексьяслы либö налöн компонентьяслы вöчöм лекторсö колö вештыны Россия Федерацияса оланпастэчас серти.

7.5. Йöзöс, кодьяс мыжабсь заказник торйöн ёна видзан урчитöм режим торкöмын, кыскöны кывкутöмö Россия Федерацияса оланпастэчас серти.

7.6. Заказник торйöн ёна видзан урчитöм режимлöн уджалöм да сійöс могмöдöм серти мероприятиеяс збыльмöдсьöны Коми Республикаса республиканскöй сьöмкуд сьöм да оланпастэчасöн абу öлöдöм мукöд öшмöс тшöт весьтö.

Пасйöд. Меститчанінсö да мудорьяссö опишитöма Кöрткерöсса лесничестволысь 1992 вося вөр овмöс котыртан да нуöдан материальяс тöд вылö босьтöмöн.